

საქართველოს პარლამენტის ეროვნული ბიბლიოთეკის ვაკანტურ თანამდებობათა
დასაკავებელი კონკურსი

სამართლის ტესტი

ინსტრუქცია

ტესტი შედგება 50 არჩევითპასუხიანი დავალებისაგან. დავალებებს ახლავს ოთხი სავარაუდო პასუხი, რომელთაგან მხოლოდ ერთია სწორი. დავალებები ფასდება 1 ქულით. არჩეული პასუხი აუცილებლად მონიშნეთ პასუხების ფურცელზე, რომელიც ახლავს ტესტს. ტესტის ფურცლებზე მონიშნული პასუხები არ შემოწმდება.

ტესტის მაქსიმალური ქულაა 50. სამუშაოდ გეძლევათ **2 საათი**. დროის ამოწურვის შესახებ გაცნობებთ მეთვალყურე. თუ გათვალისწინებულზე მეტ დროს დაუთმობთ ტესტზე მუშაობას, თქვენი ნაშრომი არ შემოწმდება. თუ არ გაქვთ რომელიმე დავალების პასუხი, დროს ნუ დაკარგავთ და გადადით შემდეგ დავალებაზე. ჩანაწერებისთვის გამოიყენეთ ტესტის ფურცლებზე არსებული ცარიელი ადგილები.

გისურვებთ წარმატებას!

პასუხების მონიშვნის ინსტრუქცია

ტესტურ დავალებათა პასუხები უნდა მონიშნოთ პასუხების ფურცელზე.

პასუხის მონიშვნისას:

- მოძებნეთ დავალების შესაბამისი ნომერი;
- ნომრის ქვეშ იპოვეთ უჯრა, რომელიც თქვენ მიერ არჩეულ პასუხს შეესაბამება;
- დასვით X ნიშანი ამ უჯრაში.

გაითვალისწინეთ:

- პასუხის მონიშვნისას დავალების ნომერი უნდა ემთხვეოდეს იმ სვეტის ნომერს, რომელშიც სვამთ X ნიშანს;
- თქვენ მიერ არჩეული პასუხის სწორად მონიშვნის ერთადერთი გზა სათანადო უჯრაში X ნიშნის დასმაა. არც ერთი სხვა აღნიშვნა - ჰორიზონტალური თუ ვერტიკალური ხაზები, შემოხაზვა და ა.შ. ელექტრონული პროგრამის მიერ არ აღიქმება;
- დასაშვებია, რომ X ნიშანი გადასცდეს უჯრას, მაგრამ იგი არ უნდა იყოს ძალზე მცირე ზომის;
- თითოეული დავალების შესაბამის სვეტში უნდა მონიშნოთ მხოლოდ ერთი პასუხი, ანუ მხოლოდ ერთ უჯრაში დასვით X ნიშანი. თუ სვეტში ერთზე მეტ X ნიშანს დასვამთ, ამ დავალების არც ერთი პასუხი არ ჩაითვლება სწორად;
- თუ გსურთ პასუხების ფურცელზე მონიშნული პასუხის გადასწორება, მთლიანად გააფერადეთ უჯრა, რომელშიც დასვით X ნიშანი, და შემდეგ მონიშნეთ პასუხის ახალი ვარიანტი (დასვით X ნიშანი ახალ უჯრაში). ელექტრონული პროგრამა არჩეულ პასუხად მხოლოდ X ნიშნიან უჯრას აღიქვამს. ამიტომ შეუძლებელია ხელმეორედ აირჩიოთ ის პასუხი, რომელიც გადაასწორეთ (ანუ ის პასუხი, რომლის შესაბამისი უჯრა უკვე მთლიანად გააფერადეთ);
- პასუხების აღნიშვნისთვის არაა გამოყოფილი დამატებითი დრო. ასე რომ, დროულად მონიშნეთ არჩეული პასუხი შესაბამის უჯრაში.

დავალება №1

ჩამოთვლილთაგან, რომელი მსჯელობაა სწორი:

საქართველოს პარლამენტი:

- ა) ყოველწლიურად იღებს სახელმწიფო ბიუჯეტის კანონს, რომელსაც ხელს აწერს საქართველოს პრეზიდენტი.
- ბ) ყოველწლიურად იღებს სახელმწიფო ბიუჯეტის კანონს, რომელსაც ხელს აწერს საქართველოს პარლამენტის თავმჯდომარე.
- გ) ორ წელიწადში ერთხელ იღებს სახელმწიფო ბიუჯეტის კანონს, რომელსაც ხელს აწერს საქართველოს პრეზიდენტი.
- დ) ორ წელიწადში ერთხელ იღებს სახელმწიფო ბიუჯეტის კანონს, რომელსაც ხელს აწერს საქართველოს პარლამენტის თავმჯდომარე.

დავალება №2

პარლამენტის კომიტეტებთან ძირითადი მონაცემებისა და მიმართულებების შეთანხმების შემდეგ პარლამენტში სახელმწიფო ბიუჯეტის პროექტს წარადგენს:

- ა) მხოლოდ საქართველოს პრეზიდენტი.
- ბ) მხოლოდ საქართველოს მთავრობა.
- გ) მხოლოდ საქართველოს პრემიერ-მინისტრი.
- დ) მხოლოდ საქართველოს პარლამენტის თავმჯდომარე.

დავალება №3

საჯარო სახსრებისა და სხვა მატერიალურ ფასეულობათა გამოყენებასა და ხარჯვას ზედამხედველობს:

- ა) სახელმწიფო აუდიტის სამსახური.
- ბ) შემოსავლების სამსახური.
- გ) ფინანსთა სამინისტრო.
- დ) ფინანსური პოლიცია.

დავალება №4

საქართველოს კონსტიტუციის თანახმად, მთავრობის წევრის თანამდებობიდან გათავისუფლების შემთხვევაში მთავრობის ახალ წევრს ნიშნავს:

- ა) პრემიერ-მინისტრი, საქართველოს მთავრობის წარდგინებით.
- ბ) საქართველოს პრეზიდენტი, პრემიერ-მინისტრის წარდგინებით.
- გ) პრემიერ-მინისტრი საქართველოს პარლამენტთან შეთანხმებით.
- დ) პრემიერ-მინისტრი საქართველოს პრეზიდენტთან შეთანხმებით.

დავალება №5

საქართველოს კონსტიტუციის შესაბამისად, ჩამოთვლილთაგან რომელი მსჯელობა არ არის მართებული:

- ა) საქართველოს პარლამენტი უფლებამოსილია უნდობლობა გამოუცხადოს მთავრობას.
- ბ) სახელმწიფო მინისტრი ინიშნება განსაკუთრებული მნიშვნელობის სახელმწიფოებრივი ამოცანების შესასრულებლად.
- გ) საქართველოს მთავრობა უზრუნველყოფს ქვეყნის საკანონმდებლო ხელისუფლების განხორციელებას.
- დ) საქართველოს მთავრობის წევრს უფლება არ აქვს ეკავოს სხვა თანამდებობა, გარდა პარტიულისა.

დავალება №6

საქართველო არის დამოუკიდებელი, ერთიანი და განუყოფელი სახელმწიფო, რაც დადასტურებულია:

- ა) საქართველოს რესპუბლიკის 1921 წლის აღდგენილი კონსტიტუციის ისტორიულ-სამართლებრივი მემკვიდრეობით.
- ბ) 1991 წლის 31 მარტის ქვეყნის მთელს ტერიტორიაზე ჩატარებული რეფერენდუმით და 1991 წლის 9 აპრილის საქართველოს სახელმწიფოებრივი დამოუკიდებლობის აღდგენის აქტით.
- გ) 1995 წლის 24 აგვისტოს საქართველოს კონსტიტუციით.
- დ) 1989 წლის 21 დეკემბრის სახელმწიფოებრივი დამოუკიდებლობის დოკუმენტით.

დავალება №7

ჩამოთვლილთაგან რომელი სამართლებრივი ნორმაა უპირატესი იურიდიული ძალის მქონე?

- ა) საერთაშორისო სამართლის საყოველთაოდ აღიარებული პრინციპები და ნორმები, ყველა შიდასახელმწიფოებრივი ნორმა მას უნდა შეესაბამებოდეს.
- ბ) კონსტიტუციური შეთანხმება.
- გ) საქართველოს კონსტიტუცია.
- დ) საქართველოს საერთაშორისო ხელშეკრულებები და შეთანხმებები.

დავალება №8

საქართველოს კონსტიტუციის მიხედვით, ჩამოთვლილ მსჯელობათაგან რომელია მართებული?

საქართველო მფარველობს თავის მოქალაქეს:

- ა) განურჩევლად მისი ადგილსამყოფელისა გარდა კანონმდებლობით გათვალისწინებული გამონაკლისებისა.
- ბ) იმ ქვეყნის ტერიტორიაზე, სადაც ვრცელდება მისი იურისდიქცია გარდა კანონმდებლობით გათვალისწინებული შემთხვევებისა.
- გ) იმ ქვეყნის ტერიტორიაზე, სადაც აქვს თავისი წარმომადგენლობა, მხოლოდ კანონმდებლობით დადგენილი წესით.
- დ) განურჩევლად მისი ადგილსამყოფელისა.

დავალება №9

საქართველოს მოქალაქეობის ჩამორთმევა:

- ა) დასაშვებია მხოლოდ კანონით დადგენილ გამონაკლის შემთხვევებში.
- ბ) დაუშვებელია ნებისმიერ შემთხვევაში.
- გ) დასაშვებია მხოლოდ პრეზიდენტის თანხმობით.
- დ) დაუშვებელია გარდა იმ შემთხვევისა, თუ მან ჩაიდინა საერთაშორისო დანაშაული მშვიდობისა და ადამიანობის წინააღმდეგ.

დავალება №10

დასაშვებია თუ არა შემოხიზნული პირის, რომელსაც დევნიან პოლიტიკური მრწამსისთვის ან იმ ქმედებისათვის, რომელიც საქართველოს კანონმდებლობით არ ითვლება დანაშაულად, სხვა სახელმწიფოსთვის გადაცემა?

- ა) დაუშვებელია ნებისმიერ შემთხვევაში.
- ბ) დასაშვებია მხოლოდ საერთაშორისო ხელშეკრულებებით გათვალისწინებულ შემთხვევებში.
- გ) დაუშვებელია გარდა იმ შემთხვევისა, როდესაც არსებობს საქართველოს უზენაესი სასამართლოს გადაწყვეტილება შემოხიზნული პირის სხვა სახელმწიფოსთვის გადაცემის შესახებ.
- დ) დასაშვებია მხოლოდ კანონით პირდაპირ გათვალისწინებულ შემთხვევებში.

დავალება №11

„საჯარო სამსახურის შესახებ“ საქართველოს კანონის თანახმად, რა ვადით შიძლება მიეცეს მოსამსახურეს შვებულება ანაზღაურების გარეშე?

- ა) შვებულების ხანგრძლივობა დაკავშირებულია შრომითი სტაჟის სიდიდესთან.
- ბ) არაუმეტეს ერთი თვისა კანონმდებლობით დადგენილი წესით.
- გ) არაუმეტეს 1 წლისა კანონმდებლობით დადგენილი წესით.
- დ) წელიწადში არანაკლებ 15 კალენდარული დღისა.

დავალება №12

მოხელე, რომელიც კეთილსინდისიერად ასრულებდა დაკისრებულ მოვალეობებს 2 წლის განმავლობაში დაწესებულებამ წარადგინა დასაწინაურებლად ისე, რომ მოხელემ ამის შესახებ არ იცოდა.

დაწესებულების გადაწყვეტილება:

- ა) კანონიერია, ვინაიდან მოხელე დაკავებულ თანამდებობაზე მსახურებდა 2 წელი და დაწესებულებამ წარადგინა დასაწინაურებლად.
- ბ) არ არის კანონიერი, ვინაიდან მოხელის სამსახურებრივი დაწინაურებისათვის საჭიროა ზეპირი თანხმობა მაინც.
- გ) კანონიერია, ვინაიდან დაწესებულებამ მისცა დადებითი დასკვნა მოხელეს დასაწინაურებლად, ამისათვის არ იყო საჭირო მოხელის თანხმობა.
- დ) არ არის კანონიერი, ვინაიდან მოხელის სამსახურებრივი დაწინაურებისათვის საჭიროა მისი წერილობითი თანხმობა.

დავალება №13

მოხელე მ. გ.-ს, შინაგანაწესის დარღვევისათვის დაეკისრა დისციპლინური პასუხისმგებლობა გაფრთხილება. მ. გ.-მ დისციპლინური პასუხისმგებლობის ზემოქმედების პერიოდში თავი გამოიჩინა სანიმუშო ქცევით, რის გამოც შესაბამისმა თანამდებობის პირმა წამოაყენა მისი კანდიდატურა უფრო მაღალ თანამდებობაზე დასანიშნად.

მოცემულ სიტუაციაში მ.გ.-ს დაწინაურება:

- ა) შესაძლებელია, ვინაიდან უფლებამოსილ თანამდებობის პირს უფლება აქვს მოხელე უფრო მაღალ თანამდებობაზე დანიშნოს, თუ დისციპლინური სახდელის მოქმედების პერიოდში მოხელის მხრიდან ხელახლა არ ექნება ადგილი დისციპლინურ გადაცდომას და თავს გამოიჩენს სანიმუშო ქცევით.
- ბ) არ არის შესაძლებელი, ვინაიდან დაუშვებელია მოხელის წახალისება და დაწინაურება, როდესაც დადებული აქვს ისეთი დისციპლინური სახდელი, როგორიცაა გაფრთხილება.
- გ) არ არის შესაძლებელი, ვინაიდან მოხელე დისციპლინური პასუხისმგებლობის მოქმედების პერიოდში არ შეიძლება სამსახურებრივად დაწინაურდეს.
- დ) შესაძლებელია, მოხელის წერილობითი თანხმობის შემთხვევაში.

დავალება №14

საჯარო სამსახურის ხელმძღვანელმა სამსახურში მიღებაზე უარი განუცხადა კონკურსის სახით შერჩეულ დ. თ.-ს. უარის მიზეზი, მისი განმარტებით, იყო ის, რომ კონკურსანტმა ვერ წარმოადგინა შესაბამისი უფლებამოსილი დაწესებულების მიერ გაცემული სამედიცინო-ნარკოლოგიური შემოწმების ცნობა.

დ. თ.-ს სამსახურში მიღების თაობაზე ხელმძღვანელის უარი:

- ა) მართებულია, რადგან „საჯარო სამსახურის შესახებ“ კანონის შესაბამისად, სამედიცინო-ნარკოლოგიური შემოწმების ცნობის წარუდგენლობა შეიძლება გახდეს პირის სამსახურში მიღებაზე უარის თქმის საფუძველი.
- ბ) არ არის მართებული, ვინაიდან დ. თ. კონკურსის წესით იყო შერჩეული.
- გ) მართებულია, ვინაიდან საჯარო სამსახურის ხელმძღვანელი უფლებამოსილია თავისი შეხედულებისამებრ უარი განუცხადოს პირს სამსახურში მიღებაზე.
- დ) არ არის მართებული, ვინაიდან, სამედიცინო-ნარკოლოგიური შემოწმების ცნობის მოთხოვნას „საჯარო სამსახურის შესახებ“ კანონი არ ითვალისწინებს.

დავალება №15

საჯარო სამსახურის ვაკანტური თანამდებობის დასაკავებლად შექმნილ საკონკურსო-საატესტაციო კომისიის თავმჯდომარეს ნიშნავს:

- ა) შესაბამისი საჯარო სამსახურის უფროსი საჯარო სამსახურის ბიუროსთან შეთანხმებით.
- ბ) საჯარო სამსახურის ზემდგომი ორგანო შესაბამისი საჯარო სამსახურის უფროსის წარდგინებით.
- გ) საჯარო სამსახურის ბიუროს უფროსი შესაბამისი საჯარო სამსახურის უფროსის წარდგინებით.
- დ) შესაბამისი საჯარო სამსახურის უფროსი, ზემდგომი ორგანოს თანხმობით.

დავალება №16

საჯარო სამსახურის ხელმძღვანელმა თანამშრომელს სამსახურეობრივ მოვალეობათა სანიმუშო შესრულებისთვის წახალისების ფორმად დაუწესა თანამდებობრივი სარგოს თანრიგის ამაღლება და ამავდროულად დააჯილდოვა ფასიანი საჩუქრით.

საჯარო სამსახურის ხელმძღვანელის ქმედება:

- ა) არ არის მართებული, ვინაიდან ხელმძღვანელს უფლება აქვს გამოიყენოს მხოლოდ ერთი წახალისების ფორმა თანამშრომლის მიერ სამსახურეობრივ მოვალეობათა სანიმუშო შესრულებისთვის.
- ბ) მართებული, ვინაიდან ხელმძღვანელს უფლება აქვს გამოიყენოს ერთდროულად რამდენიმე წახალისების ფორმა თანამშრომლის მიერ სამსახურეობრივ მოვალეობათა სანიმუშო შესრულებისთვის.
- გ) არ არის მართებული, ვინაიდან წახალისების ფორმად არ შეიძლება ერთდროულად დაწესდეს თანამდებობრივი სარგოს თანრიგის ამაღლება და დაჯილდოვება ფასიანი საჩუქრით.
- დ) მართებულია, ვინაიდან ხელმძღვანელს უფლება აქვს გამოიყენოს ერთდროულად მხოლოდ ორი წახალისების ფორმა თანამშრომლის მიერ სამსახურეობრივ მოვალეობათა სანიმუშო შესრულებისთვის.

დავალება №17

საჯარო სამსახურში პირი დაინიშნა უმცროსი სპეციალისტის თანამდებობაზე. სამსახურმა დაუყოვნებლივ უზრუნველყო მისთვის შინაგანაწესის გაცნობა ხელწერილის დადების გარეშე.

ზემოაღნიშნულიდან გამომდინარე, ჩამოთვლილ მსჯელობათაგან რომელია მართებული:

- ა) სამსახური არ არის ვალდებული გააცნოს უმცროს სპეციალისტს დაწესებულების შინაგანაწესი.
- ბ) სამსახურს ევალება უზრუნველყოს შინაგანაწესის გაცნობა მოსამსახურის სამსახურში დანიშნიდან 1 თვის ვადაში.
- გ) სამსახური არ არის ვალდებული შინაგანაწესის გაცნობისას ჩამოართვას პირს ხელწერილი.
- დ) სამსახური ვალდებულია მოსამსახურეს გააცნოს შინაგანაწესი ხელწერილის დადებით სამსახურში მიღებისთანავე.

დავალება №18

დავალება №19

სახელმწიფო მოხელედ შეიძლება მიღებულ იქნას:

- ა) საქართველოს ქმედუნარიანი მოქალაქე, რომელსაც აქვს სათანადო ცოდნა და გამოცდილება, მიაღწია 21 წლის ასაკს და ფლობს საქართველოს სახელმწიფო ენას.
- ბ) საქართველოს ქმედუნარიანი მოქალაქე, რომელსაც აქვს სათანადო ცოდნა და გამოცდილება, მიაღწია 18 წლის ასაკს და ფლობს საქართველოს სახელმწიფო ენას.
- გ) საქართველოს ნებისმიერი მოქალაქე, რომელმაც მიაღწია 18 წლის ასაკს.
- დ) საქართველოს ან უცხო ქვეყნის მოქალაქე, რომელსაც აქვს სათანადო ცოდნა და ფლობს საქართველოს სახელმწიფო ენას.

დავალება №20

დაწესებულების ხელმძღვანელმა პირმა კონკურსის წესით შესავსებ თანამდებობაზე 3 თვის ვადით მოვალეობის შემსრულებლად დანიშნა მოხელე.

დაწესებულების ხელმძღვანელის ქმედება:

- ა) არ არის კანონიერი, ვინაიდან კონკურსის წესით შესავსებ თანამდებობაზე დაუშვებელია მოხელის დანიშვნა მოვალეობის შემსრულებლად.
- ბ) კანონიერია, ვინაიდან დროებით მოვალეობის შემსრულებელი შეიძლება დაინიშნოს კონკურსის წესით შესავსებ თანამდებობაზე არაუმეტეს 3 თვის ვადით.
- გ) არ არის კანონიერი, ვინაიდან კონკურსის წესით შესავსებ თანამდებობაზე დაუშვებელია მოხელის დანიშვნა მოვალეობის შემსრულებლად ერთ თვეზე მეტი ვადით.
- დ) კანონიერია, ვინაიდან დროებით მოვალეობის შემსრულებელი შეიძლება დაინიშნოს კონკურსის წესით შესავსებ თანამდებობაზე არაუმეტეს 6 თვის ვადით.

დავალება №21

საკონკურსო-საატესტაციო კომისიის წევრთა რაოდენობასა და შემადგენლობას განსაზღვრავს:

- ა) საკონკურსო-საატესტაციო კომისიის თავმჯდომარის წარდგინებით ზემდგომი ორგანო.
- ბ) საკონკურსო-საატესტაციო კომისიის თავმჯდომარის წარდგინებით საჯარო სამსახურის ბიურო.
- გ) საკონკურსო-საატესტაციო კომისიის თავმჯდომარე.
- დ) საკონკურსო-საატესტაციო კომისიის თავმჯდომარე საჯარო სამსახურის ბიუროსთან შეთანხმებით.

დავალება №22

კანონმდებლობით გათვალისწინებული გამონაკლისების გარდა, მოხელეს შეუძლია იმავე დაწესებულებაში შეასრულოს არმყოფი მოხელის მოვალეობა არა უმეტეს:

- ა) 1 თვისა კალენდარული წლის განმავლობაში.
- ბ) 3 თვისა კალენდარული წლის განმავლობაში.
- გ) 6 თვისა კალენდარული წლის განმავლობაში.
- დ) 9 თვისა კალენდარული წლის განმავლობაში.

დავალება №23

მოხელემ თვითნებურად მიატოვა სამსახური 7 დღის ვადით.

მოხელე სამსახურიდან განთავისუფლებულად ჩაითვლება სამსახურის თვითნებურად დატოვების:

- ა) მეორე სამუშაო დღიდან.
- ბ) მესამე სამუშაო დღიდან.
- გ) მეხუთე სამუშაო დღიდან.
- დ) შესაბამისი დოკუმენტის გაცნობის დღიდან.

დავალება №24

საჯარო სამსახურის ხელმძღვანელმა ჯანმრთელობის მდგომარეობის გამო მოხელე განთავისუფლა სამსახურიდან. ხელმძღვანელის გადაწყვეტილებით განთავისუფლებულ მოხელეზე გაიცა კომპენსაცია 3 თვის თანამდებობრივი სარგოს ოდენობით.

აღნიშნულ შემთხვევაში საჯარო სამსახურის ხელმძღვანელის ქმედება:

- ა) არ არის კანონიერი, რადგან ჯანმრთელობის მდგომარეობის გამო მოხელის განთავისუფლების შემთხვევაში მასზე არ გაიცემა კომპენსაცია.
- ბ) კანონიერია, რადგან ჯანმრთელობის მდგომარეობის გამო მოხელის განთავისუფლების შემთხვევაში მას ეძლევა კომპენსაცია 3 თვის თანამდებობრივი სარგოს ოდენობით.
- გ) არ არის კანონიერი, ვინაიდან ჯანმრთელობის მდგომარეობის გამო მოხელის განთავისუფლების შემთხვევაში მოხელეს ეძლევა კომპენსაცია 1 თვის თანამდებობრივი სარგოს ოდენობით.
- დ) კანონიერია, რადგან ჯანმრთელობის მდგომარეობის გამო მოხელის განთავისუფლების შემთხვევაში სამსახურის ხელმძღვანელი ვალდებულია მასზე გასცეს კომპენსაცია 1-დან 3 თვემდე თანამდებობრივი სარგოს ოდენობით.

დავალება №25

მოსამსახურეს მშობიარობის გართულების ან ტყუპის შობის შემთხვევაში ანაზღაურებადი შვებულება ეძლევა:

- ა) 160 კალენდარული დღის ოდენობით.
- ბ) 140 კალენდარული დღის ოდენობით.
- გ) 150 კალენდარული დღის ოდენობით.
- დ) 170 კალენდარული დღის ოდენობით.

დავალება №26

ეროვნული ბიბლიოთეკის მოვალეობა/მოვალეობები:

- I - ძველნაბეჭდ და იშვიათ გამოცემათა სახელმწიფო ფონდის ორგანიზება, დაცვა, დამუშავება და სარგებლობის უზრუნველყოფა;
- II - საგამომცემლო საქმიანობა, აგრეთვე საკუთარი გამომცემლობისა და სტამბის ქონა;
- III - საერთაშორისო საბიბლიოთეკო ორგანიზაციებში გაწევრიანება;
- IV - საქართველოში ნაბეჭდი პროდუქციის ბიბლიოგრაფიული მაჩვენებლებისა და სტატისტიკის შედგენა და პუბლიკაცია.

- ა) I და II.
- ბ) I და IV.
- გ) II და III.
- დ) II და IV.

დავალება №27

ეროვნული ბიბლიოთეკის საშტატო განრიგს ამტკიცებს:

- ა) ეროვნული ბიბლიოთეკის გენერალური დირექტორი.
- ბ) ეროვნული ბიბლიოთეკის გენერალური დირექტორის წარდგინებით საქართველოს ფინანსთა მინისტრი.
- გ) ეროვნული ბიბლიოთეკის გენერალური დირექტორის წარდგინებით საქართველოს კულტურისა და ძეგლთა დაცვის მინისტრი.
- დ) ეროვნული ბიბლიოთეკის გენერალური დირექტორის წარდგინებით საქართველოს პარლამენტის თავმჯდომარე.

დავალება №28

ეროვნული ბიბლიოთეკა არის:

- ა) მხოლოდ ხალხის საკუთრება.
- ბ) მხოლოდ საქართველოს პარლამენტის საკუთრება.
- გ) მხოლოდ სახელმწიფოს საკუთრება.
- დ) მხოლოდ ეროვნული ბიბლიოთეკის საკუთრება.

დავალება №29

ერთ-ერთმა საქველმოქმედო ორგანიზაციამ ეროვნულ ბიბლიოთეკას საბანკო ანგარიშზე შემოწირულობის სახით გადაურიცხა 10 000 ლარი.

ეროვნული ბიბლიოთეკის მიერ შემოწირულობის მიღება:

- ა) არ არის დასაშვები, ვინაიდან ეროვნული ბიბლიოთეკა ფინანსდება მხოლოდ სახელმწიფო ბიუჯეტიდან.
- ბ) დასაშვებია, ვინაიდან ეროვნული ბიბლიოთეკის ერთ-ერთი დაფინანსების წყაროს წარმოადგენს საქველმოქმედო შემოწირულობანი.
- გ) არ არის დასაშვები, ვინაიდან საქველმოქმედო ორგანიზაციიდან შემოწირულობის მიღებისთვის საჭიროა საქართველოს პარლამენტის ნებართვა.
- დ) დასაშვებია, ვინაიდან შემოწირულობის სახით შესაძლებელია არა უმეტეს 10 000 ლარის გადარიცხა ეროვნული ბიბლიოთეკის საბანკო ანგარიშზე.

დავალება №30

ეროვნული ბიბლიოთეკის დეპარტამენტის დირექტორებს თანამდებობაზე ნიშნავს:

- ა) ეროვნული ბიბლიოთეკის გენერალური დირექტორი თავისი მოადგილის წარდგინებით.
- ბ) ეროვნული ბიბლიოთეკის გენერალური დირექტორის მოადგილე.
- გ) ეროვნული ბიბლიოთეკის გენერალური დირექტორი საქართველოს კულტურისა და ძეგლთა დაცვის მინისტრთან შეთანხმებით.
- დ) ეროვნული ბიბლიოთეკის გენერალური დირექტორი საქართველოს პარლამენტის თავმჯდომარის თანხმობით.

დავალება №31

„საქართველოს პარლამენტის ეროვნული ბიბლიოთეკის შესახებ“ საქართველოს კანონის თანახმად, საქართველოს პარლამენტი უზრუნველყოფს:

- I - საბიბლიოთეკო კადრების მომზადება-გადამზადების პოლიტიკას;
- II - ეროვნული ბიბლიოთეკის საქმიანობის ხელშეწყობას მისი ფინანსური მხარდაჭერით;
- III - ეროვნული ბიბლიოთეკის მატერიალურ-ტექნიკური ბაზის დაცვას;
- IV - საბიბლიოთეკო საქმის შესახებ საერთაშორისო ხელშეკრულებებისა და კონვენციების შესრულებას.

- ა) I და III.
- ბ) I და IV.
- გ) II და III.
- დ) II და IV.

დავალება №32

„საქართველოს პარლამენტის ეროვნული ბიბლიოთეკის შესახებ“ საქართველოს კანონის თანახმად, ეროვნული ბიბლიოთეკის სტრუქტურასა და საქმიანობის წესს განსაზღვრავს:

- ა) საქართველოს კანონი „საბიბლიოთეკო საქმის შესახებ“.
- ბ) ეროვნული ბიბლიოთეკის დებულება.
- გ) ეროვნული ბიბლიოთეკის გენერალური დირექტორის ბრძანებით დადგენილი ინსტრუქციები.
- დ) საქართველოს კანონი „საქართველოს პარლამენტის ეროვნული ბიბლიოთეკის შესახებ“.

დავალება №33

ეროვნული ბიბლიოთეკის გენერალურმა დირექტორმა გადაწყვიტა ეროვნული ბიბლიოთეკის პერიოდულ გამოცემათა ფონდის პრივატიზაცია, რადგან ეროვნული ბიბლიოთეკა ვერ უზრუნველყოფდა თავისი რესურსებით ფონდის დაცვისათვის სათანადო პირობების შექმნას.

ეროვნული ბიბლიოთეკის გენერალური დირექტორის ქმედება:

- ა) მართებულია, ვინაიდან დასაშვებია ფონდების პრივატიზაცია ნებისმიერ შემთხვევაში.
- ბ) არ არის მართებული, ვინაიდან დასაშვები არ არის მხოლოდ პერიოდულ გამოცემათა ფონდის პრივატიზაცია.
- გ) მართებულია, ვინაიდან მოცემულ შემთხვევაში ეროვნული ბიბლიოთეკა ვერ უზრუნველყოფდა პერიოდულ გამოცემათა ფონდის დაცვისათვის სათანადო პირობების უზრუნველყოფას.
- დ) არ არის მართებული, ვინაიდან დაუშვებელია ფონდების პრივატიზაცია.

დავალება №34

ადგილობრივი ბიბლიოთეკის ხელმძღვანელი დანიშნა რაიონის მთავარი ბიბლიოთეკის დირექტორმა.

რაიონის მთავარი ბიბლიოთეკარის ქმედება:

- ა) არ არის კანონიერი, ვინაიდან ადგილობრივი ბიბლიოთეკის ხელმძღვანელებს ნიშნავს მხოლოდ ადგილობრივი თვითმმართველობის ორგანო.
- ბ) კანონიერია, ვინაიდან რაიონის მთავარი ბიბლიოთეკის დირექტორი უფლებამოსილია დანიშნოს ადგილობრივი ბიბლიოთეკის ხელმძღვანელი ადგილობრივი თვითმმართველობის ორგანოსთან შეთანხმებით.
- გ) კანონიერია, ვინაიდან რაიონის მთავარი ბიბლიოთეკის დირექტორი უფლებამოსილია დანიშნოს ადგილობრივი ბიბლიოთეკის ხელმძღვანელი საქართველოს კულტურისა და ძეგლთა დაცვის სამინისტროსთან შეთანხმებით.
- დ) არ არის კანონიერი, ვინაიდან ადგილობრივი ბიბლიოთეკის ხელმძღვანელს თანამდებობაზე ნიშნავს ეროვნული ბიბლიოთეკის გენერალური დირექტორი.

დავალება №35

ბიბლიოთეკის სახელმწიფო რეგისტრაციაზე უარს განიხილავს:

- ა) სასამართლო.
- ბ) საქართველოს კულტურისა და ძეგლთა დაცვის სამინისტრო.
- გ) ადგილობრივი თვითმმართველობის ორგანო.
- დ) ეროვნული ბიბლიოთეკა.

დავალება №36

„საბიბლიოთეკო საქმის შესახებ“ საქართველოს კანონის თანახმად, მკითხველი უფლებამოსილია:

- ა) მიიღოს ბიბლიოთეკაში დაცული საბიბლიოთეკო დოკუმენტები ბიბლიოთეკით სარგებლობის წესების შესაბამისად.
- ბ) მონაწილეობა მიიღოს ბიბლიოთეკართა და ბიბლიოთეკის მკითხველთა საზოგადოებრივი გაერთიანებების საქმიანობაში ან ბიბლიოთეკის საჭირობოტო საკითხების განხილვაში.
- გ) ორიგინალის უქონლობის შემთხვევაში მიიღოს მისთვის საჭირო დოკუმენტი ან მისი ასლი სხვა ბიბლიოთეკიდან ბიბლიოთეკათშორისი აბონემენტის მეშვეობით.
- დ) ყველა ზემოთ ჩამოთვლილი.

დავალება №37

„საბიბლიოთეკო საქმის შესახებ“ საქართველოს კანონის თანახმად, საბიბლიოთეკო ფონდებში დაცულ ფასეულობათა საზღვარგარეთ გატანა:

- ა) შესაძლებელია მხოლოდ არასახელმწიფო საბიბლიოთეკო ფონდში დაცულ ფასეულობათა საზღვარგარეთ გატანა.
- ბ) არ არის შესაძლებელი საბიბლიოთეკო ფონდებში დაცულ ფასეულობათა საზღვარგარეთ გატანა.
- გ) შესაძლებელია საერთაშორისო კონვენციითა და საქართველოს კანონმდებლობით დადგენილი მოთხოვნების გათვალისწინებით.
- დ) არ არის შესაძლებელი, ვინაიდან მასზე ვრცელდება განსაკუთრებული რეჟიმი.

დავალება №38

მესაკუთრის გარეშე დარჩენილი საბიბლიოთეკო დოკუმენტები გადადის:

- ა) საქართველოს პარლამენტის განკარგულებაში.
- ბ) საქართველოს კულტურისა და ძეგლთა დაცვის სამინისტროს განკარგულებაში.
- გ) ადგილობრივი თვითმმართველობის განკარგულებაში.
- დ) სახელმწიფო საბიბლიოთეკო სისტემის განკარგულებაში.

დავალება №39

„საბიბლიოთეკო საქმის შესახებ“ საქართველოს კანონის შესაბამისად, ბიბლიოთეკის მოვალეობას არ მიეკუთვნება :

- ა) ნებისმიერი სახის სტატისტიკური ანალიზი.
- ბ) საქართველოს პარლამენტის ეროვნული ბიბლიოთეკის რეკომენდაციების გათვალისწინება.
- გ) საბიბლიოთეკო ტექნიკური საშუალებებისა და უახლესი ტექნოლოგიების დანერგვა.
- დ) მკითხველთა მომსახურების მაღალი დონის უზრუნველყოფა.

დავალება №40

ერთ-ერთმა არასახელმწიფო ბიბლიოთეკამ სურვილი გამოთქვა მონაწილეობა მიეღო სახელმწიფო პროგრამის განხორციელებაში.

მოცემულ სიტუაციაში არასახელმწიფო ბიბლიოთეკის მონაწილეობა სახელმწიფო პროგრამის განხორციელებაში:

- ა) დაუშვებელია, ვინაიდან არასახელმწიფო ბიბლიოთეკა მონაწილეობას ვერ მიიღებს სახელმწიფო პროგრამის განხორციელებაში.
- ბ) დასაშვებია, ვინაიდან არასახელმწიფო ბიბლიოთეკა ვადლებულია ნებისმიერ შემთხვევაში მონაწილეობა მიიღოს სახელმწიფო პროგრამების განხორციელებაში.
- გ) დაუშვებელია, ვინაიდან სახელმწიფო პროგრამები ხორციელდება მხოლოდ სახელმწიფო ბიბლიოთეკებისათვის.
- დ) დასაშვებია, ვინაიდან არასახელმწიფო ბიბლიოთეკა სახელმწიფო პროგრამის განხორციელებაში მონაწილეობას იღებს თავისი სურვილისამებრ.

დავალება №41

საქართველოში გამოცემული ყველა ნორმატიული ხასიათის დოკუმენტების სრულად ასახვის ფუნქცია ეკისრება:

- ა) მხოლოდ საქართველოს პარლამენტის ეროვნულ ბიბლიოთეკას.
- ბ) მხოლოდ სახელმწიფო საბიბლიოთეკო-ბიბლიოგრაფიულ ცენტრებს, რომელთაც მინიჭებული აქვთ შესაბამისი სტატუსი.
- გ) საქართველოს პარლამენტის ეროვნულ ბიბლიოთეკასა და სახელმწიფო საბიბლიოთეკო-ბიბლიოგრაფიულ ცენტრებს, რომელთაც მინიჭებული აქვთ შესაბამისი სტატუსი.
- დ) საქართველოს პარლამენტის ეროვნულ ბიბლიოთეკასა და რეგიონალურ ბიბლიოთეკებს.

დავალება №42

ბიბლიოთეკის დაფუძნება შეუძლია:

- ა) ნებისმიერ იურიდიულ ან ფიზიკურ პირს იურიდიული პირის ქვედანაყოფის სახით მხოლოდ საბიბლიოთეკო ფონდის მინიმუმისა და ინვენტარის არსებობის შემთხვევაში.
- ბ) ნებისმიერ ფიზიკურ პირს დამოუკიდებელი დაწესებულების სახით, მხოლოდ შენობის და ინვენტარის არსებობის შემთხვევაში.
- გ) მხოლოდ იურიდიულ პირს მისი ქვედანაყოფის სახით საბიბლიოთეკო ფონდის მინიმუმის, შენობის, ინვენტარის არსებობის შემთხვევაში.
- დ) ნებისმიერ იურიდიულ ან ფიზიკურ პირს სახით საბიბლიოთეკო ფონდის მინიმუმის, შენობის, ინვენტარის არსებობის შემთხვევაში.

დავალება №43

„საბიბლიოთეკო საქმის შესახებ“ საქართველოს კანონის თანახმად, ბიბლიოთეკის დამფუძნებელს უფლება არ აქვს:

- ა) დააფინანსოს ბიბლიოთეკა.
- ბ) დანიშნოს ბიბლიოთეკის ხელმძღვანელი.
- გ) ჩაერიოს ბიბლიოთეკის შემოქმედებით საქმიანობაში გარდა კანონმდებლობით გათვალისწინებული შემთხვევებისა.
- დ) კონტროლი განახორციელოს ბიბლიოთეკის საქმიანობაზე.

დავალება №44

ეროვნული ბიბლიოთეკის გენერალური დირექტორის მოადგილემ ადმინისტრაციული მართვის დეპარტამენტის დირექტორის წარდგინებით კანცელარიის განყოფილების თანამშრომელს დისციპლინური პასუხისმგებლობის ზომად შეუფარდა შენიშვნა.

ეროვნული ბიბლიოთეკის გენერალური დირექტორის მოადგილის ქმედება?

- ა) მართებულია, ვინაიდან ეროვნული ბიბლიოთეკის გენერალური დირექტორის მოადგილეს უფლება აქვს კანცელარიის თანამშრომელს დისციპლინური გადაცდომისთვის შეუფარდოს დისციპლინური პასუხისმგებლობის ზომა.
- ბ) არ არის მართებული, ვინაიდან დეპარტამენტის უფროსის წარდგინებით კანცელარიის თანამშრომელს არ შეიძლება შეეფარდოს დისციპლინური პასუხისმგებლობის ზომა.
- გ) მართებულია, ვინაიდან ეროვნული ბიბლიოთეკის გენერალური დირექტორის მოადგილე უფლებამოსილია მხოლოდ ადმინისტრაციული მართვის დეპარტამენტის დირექტორის წარდგინებით კანცელარიის თანამშრომელს შეუფარდოს დისციპლინური პასუხისმგებლობის ზომა.
- დ) არ არის მართებული, ვინაიდან დისციპლინური პასუხისმგებლობის ზომებს თანამშრომლებს შეუფარდებს ეროვნული ბიბლიოთეკის გენერალური დირექტორი.

დავალება №45

საქართველოს პარლამენტის ილია ჭავჭავაძის სახელობის ეროვნული ბიბლიოთეკის დებულების თანახმად, საბიბლიოთეკო საბჭოს შემადგენლობაში უნდა შედიოდეს:

- ა) გენერალური დირექტორის მოადგილე.
- ბ) დეპარტამენტების დირექტორები.
- გ) დეპარტამენტების დირექტორების მოადგილეები.
- დ) ყველა ზემოთ ჩამოთვლილი.

დავალება №46


სამეცნიერო-მეთოდური საბჭოს საქმიანობის წესი და ფუნქციები განისაზღვრება:

- ა) საბჭოს დებულებით.
- ბ) ილია ჭავჭავაძის სახელობის ეროვნული ბიბლიოთეკის დებულებით.
- გ) გენერალური დირექტორის მიერ დამტკიცებული ინსტრუქციის თანახმად.
- დ) „ეროვნული ბიბლიოთეკის შესახებ“ საქართველოს კანონის თანახმად.

დავალება №47

წინამდებარე სქემაში აღნიშნულია ეროვნული ბიბლიოთეკის დეპარტამენტები, ხოლო ქვემოთ მითითებულია ფუნქციები.

ჩამოთვლილთაგან რომელი დეპარტამენტის ფუნქცია არის სწორად მოცემული?



- ა) ადმინისტრაციული მართვის დეპარტამენტის.
- ბ) მეცნიერების, კულტურისა და სამოქალაქო განათლების დეპარტამენტის.
- გ) საბიბლიოთეკო რესურსების დეპარტამენტის.
- დ) არც ერთი პასუხი არ არის სწორი.

ეროვნული ბიბლიოთეკის საორგანიზაციო საკითხების განხილვასთან დაკავშირებით შეიკრიბა საბიბლიოთეკო საბჭო, სადაც გენერალური დირექტორის ინიციატივით მოწვეულ იქნა შესაბამისი სტრუქტურული ერთეულის ხელმძღვანელი.

აღწერილი სიტუაციის შესაბამისად, ჩამოთვლილთაგან რომელი მსჯელობა არის მართებული?

- ა) საბიბლიოთეკო საბჭო უფლებამოსილი იყო განეხილა ეროვნული ბიბლიოთეკის საორგანიზაციო საკითხები, ხოლო ეროვნული ბიბლიოთეკის გენერალური დირექტორი არ იყო უფლებამოსილი სხდომაზე მოეწვია შესაბამისი სტრუქტურული ერთეულის ხელმძღვანელი.
- ბ) საბიბლიოთეკო საბჭო უფლებამოსილია განიხილოს ნებისმიერი საკითხი, რომელიც დგას ეროვნული ბიბლიოთეკის წინაშე, ხოლო ეროვნული ბიბლიოთეკის გენერალური დირექტორი უფლებამოსილი იყო თავისი შეხედულებისამებრ სხდომაზე მოეწვია სტრუქტურული ერთეულის ხელმძღვანელი.
- გ) ეროვნული ბიბლიოთეკის საორგანიზაციო საკითხების განხილვა წარმოადგენს სამეცნიერო-მეთოდური საბჭოს კომპეტენციას, შესაბამისად, საბიბლიოთეკო საბჭო არ იყო უფლებამოსილი განეხილა ზემოაღნიშნული საკითხები.
- დ) საბიბლიოთეკო საბჭოს ჰქონდა უფლება განეხილა ეროვნული ბიბლიოთეკის საორგანიზაციო საკითხები, ხოლო ეროვნული ბიბლიოთეკის გენერალური დირექტორი უფლებამოსილი იყო სხდომაზე მოეწვია შესაბამისი სტრუქტურული ერთეულის ხელმძღვანელი.

დავალება №49

ეროვნული ბიბლიოთეკის გენერალური დირექტორი იმყოფებოდა მივლინებაში, ხოლო მის მოვალეობას დროებით ასრულებდა ადმინისტრაციული მართვის დეპარტამენტის უფროსი.

საქართველოს პარლამენტის ილია ჭავჭავაძის სახელობის ეროვნული ბიბლიოთეკის დებულების შესაბამისად:

- ა) გენერალური დირექტორის მოვალეობას მისი არყოფნისას ასრულებს გენერალური დირექტორის მოადგილე.
- ბ) მხოლოდ ადმინისტრაციული მართვის დეპარტამენტის უფროსს შეუძლია შეასრულოს გენერალური დირექტორის მოვალეობა.
- გ) გენერალური დირექტორის მოვალეობას მისი არყოფნისას ასრულებს გენერალური დირექტორის სამდივნოს განყოფილების უფროსი.
- დ) გენერალური დირექტორის მოვალეობის შემსრულებელი შეიძლება იყოს ეროვნული ბიბლიოთეკის ნებისმიერი სტრუქტურული ერთეულის ხელმძღვანელი.

დავალება №50

ეროვნულმა ბიბლიოთეკამ გამოსცა ბიბლიოგრაფიული სტატისტიკა.

ეროვნული ბიბლიოთეკის აღნიშნული ქმედება:

- ა) მართებულია, ვინაიდან ეროვნული ბიბლიოთეკა უფლებმოსილია აწარმოოს ნებისმიერი სახის სტატისტიკა და შესაბამისად გამოსცეს ის.
- ბ) არ არის მართებული, ვინაიდან ეროვნულ ბიბლიოთეკა არ არის უფლებამოსილი გამოსცეს ბიბლიოგრაფიული სტატისტიკა.
- გ) მართებულია, ვინაიდან ეროვნული ბიბლიოთეკა უფლებამოსილია გამოსცეს ბიბლიოგრაფიული სტატისტიკა.
- დ) არ არის მართებული, ვინაიდან ეროვნული ბიბლიოთეკა უფლებამოსილია გამოსცეს მხოლოდ საბიბლიოთეკო სტატისტიკა.

